

Disputatio medica, de ipecuanha [sic], novo Gallorum antidysenterico ... / [Christoph Friedrich Kneussel].

Contributors

Kneussel, Christoph Friedrich, active 1695-1698.

Valentini, Michael Bernhard, 1657-1729

Justus Liebig-Universität Giessen

Publication/Creation

Gissae-Hassorum : Typis Henningi Mülleri, 1698.

Persistent URL

<https://wellcomecollection.org/works/wuh6gcz3>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

A. Q.

15
#3.

DISPUTATIO MEDICA,
DE

I P E C U A N H A,
NOVO GALLORUM
ANTIDYSENTERICO,

Quam

ANNUENTE JEHOVA
IN INCLYTA ACADEMIA LUDOVICIANA
Sub PRÆSIDIO

D. MICH. BERNHARDI
VALENTINI,

Phil. & Med. Prof. Publ. Ord.

E CATHEDRA PUBLICA VENTILABIT

A. & R.

CHRISTOPH. FRIDERIC. KNEUSSEL,
Mæno-Francofurtensis,

Die Mart. H. L. Q. C.

GISSÆ-HASSORUM,

Typis Henningi Mülleri, 1698.

DISPUTATIO MEDICA

DE

IPSE CUIUS

NOVO GALLORUM

AVANTURUS

Quam

ANNUNTIAT

INSTITUTA ACADEMIA MEDICINA

24 FEBRUARII

D. MICHAEL BERNHARDI

VALLENTINI

Phil. & Med. P. D. 1770. O. 1.

IN CATHEDRA CHIRURGICAE

PROFESSORIS

THOMAS FRIDERICUS KNEBEL


Alumnus

Dr. Med. & Chir. P. D.

GUSTAV HASSONIUS

The University of Halle, 1772

PROOEMIUM.

 Pecificorum medicamentorum existentiam qui negant, Natura aequae ac sana Medicorum Artium vim mihi facere videntur maximam. Quemadmodum enim possibilitatem eorum modumque operandi in natura fundatum esse docet F. Hoffmannus in Disp. de Med. Specif. veraque Modernorum Philosophia minus contrariari ostendit Illustris Boyle, Tr. de Specif. Med. conven. cum Philos. Corpusc. ita fidiſſima rerum Magistra, Experientia, summam eorum & efficaciam & utilitatem ad oculum demonstrat. Quajaci sane vires in curandis affectibus & rebus non vulgares sunt, sed specifica. Sulphuris in affectibus cutaneis efficacia plane singularis est ejusque speciem quandam arthritidis vagae remedium esse certissimum, methodo cujusdam Medici Celeberrimi

A 2

consiat.

constat. Corticem v. Peruvianum febribus ali-
 isq³ affectibus periodicis specificè contrariari, quis
 ignorat? Et utinam plura hujus generis simplicia
 nobis innotescerent! siquidem vix aliâ semitâ
 ad summam Artis Medicæ perfectionem tandem
 devenire morbosque certius edomare poterimus.
 Novum hujus rei Specimen dedêre Galli, qui ra-
 dice quadam, IPECUÂNHA dicta & per
 Lusitanos ex Indiis allata, non tantum Parisien-
 ses suos, sed & maximam copiarum Bellicarum
 partem à Dysenteria, morbo ut spurcissimò, ita
 & gravissimò, liberarunt, ut non tantum fama,
 sed & Regis sanctissimâ subscriptione munita di-
 plomata nuper confirmarunt; Ita enim Excerpta
 ex literis patentibus Regiis, à D. Helvetio
 & abhinc à Dn. Leibniziò nuper evulgata
 „ attestantur, quæ ita se habent: Ludovicus
 „ Dei gratia, Rex Franciæ & Navarra &c. &c.
 „ Nostris dilectis & fidelibus Consiliariis & aliis
 „ Officialibus, ad quos pertinebit, salutem &c.
 „ Mandato nostro Remedium hoc Specificum
 (sine

(sine recidivæ periculo, Diarrhœam, Fluxum „
 sanguinis & Dysenterias infallibiliter persa- „
 nans) diversis experimentis examinatum com- „
 probatumque & in Hospitali Generali & in „
 Hospitio Dei (hostel Dieu) Urbis no- „
 stræ Parisiorum , successitque indiscrimi- „
 natim in omnibus omnino agris , tali genere „
 morbi laborantibus , etiam maximè desperatis. „
 Præterea Consiliarius noster & Archiatrorum „
 Comes, DAQUINUS, multa experimenta „
 & sumsit ipse & per alios sumi curavit , quæ „
 omnia eundem prorsus successum habuere, quem „
 ad nos retulere Legerius Doctor Facul- „
 tatis Medicinæ Parisinæ & Gatelenius „
 Chirurgus, quibus perquisitio in hanc rem à no- „
 bis fuit commissa &c. Quandoquidem autem „
 nobilissimum hoc medicamenti genus Nostris in „
 Regionibus ne quidem nominetenus cognitum „
 sit, hinc suasu & manu ductione Ampliss. pariter „
 ac Excell. Dn. Præsidis, Fautoris ac Patro- „
 ni piè colendi, illud quam dignissimum existima-

vi, quod pro argumento Disputationis publicæ
 seligerem & quantum in Exteris de eo hætenus
 mihi innotuit, in publicum producerem, haud ali-
 um in finem, quàm ut Jehova Triunus Gloria
 magis celebretur, Aegrorumq; salus facilitetur, id
 quod faxit DEUS!

CAPUT I.

DE

NOMINE, DESCRIPTIONE & HISTORIA IPECUANHÆ.

§. I.

VT alia ex Indiâ utrâque ad nos allata sim-
 plicia, pro varietate Nationum, à quibus
 sive observantur, sive colliguntur, variis si-
 mul nominibus donantur, ita & Radici, de
 qua agimus, hoc accidit, quæ Brasiliën-
 sibus *Ipecuanha* & si Marggravio credendum,
Ipecacuanha, ab aliis *Hypoacanna* & *Cagosanga* dicitur,
 HISP. *Bexugillo* l. *Beguquella*, *Beculo*, *Beloculo*: LU-
 SITANIS *Cipo de Cameras*, GALLIS *Becouguille* ou
Mine d' or, seu auri minera, vocatur, quùm non alibi,
 quàm prope O mineras succrescat, quæ ultimum ipsi no-
 men tribuerunt. Aliis a Regione *Radix Brasiliensis* &
 ab effectu *Radix Dysenterica* audit. Hinc breviter de-
 scribi potest, quod IPECUANHA sit Radix Exo-
 tica, nodosa & quasi geniculata, curandæ Dysentericæ spe-
 cificè dicata.

Occasionem, quâ Europæis primùm innotuit, superiori jamdum anno ex Illustris *Leibnitzii Relatione ad Nat. curiosos*, de *Novo Antidysenterico Americano*, dedit *Excell. Dn. Præses*, in *Præfat. Diss. de nova Herniarum cura Regis Gallie*: Mercator sc. Gallus *GRENIER* 150. libras hujus Radicis ex Hispaniâ Parisios attulerat eamque experientiæ *D. Helvetii Jun.* commiserat, qui in Nosocomiis probatissimas Remedii hujus vires expertus, rem tanquam à se inventam, ad Regem detulit & obtento non tantum munere, sed & Regio privilegio, (cujus ipse *HELVETIUS* mentionem facit in *Dedicat. lib. de curat. februm per Chinam China in Clysteribus*, *Parmæ* Italicè quoq; editi) liti, quæ inter Mercatorem & seipsum in Curia Parisiensi agitata fuit, occasionem dedit; Et hinc ferè est, quod citatus *Helvetius* remedium hoc sive primum invenisse, sive in usum traduxisse aliisque manifestasse, a quamplurimis censeatur. Ast licet eodem ferè tempore novam hanc Dysentericæ curationem (suppresso tamen Remedii nomine) publicæ luci exposuerit, non tamen primus ille fuit, qui eam sive descripsit, sive exercuit, cum non tantum A. 1690. Mense Januario theses quædam de *Radice Brasiliensi* in Scholis Med. Parisiensib. ventilatæ sint, sed & expresso nomine fusè eandem descripserit *Guilielmus Piso*, in *Histor. Naturali & Med. Brasiliae*. Quid quod jam à viginti & quod excurrit annis eandem se Parisiis vidisse asseveret *Petrus Pomet* in *Historia generali simplicium*, Gallicè conscripta, *Lib. 2. c. 1. pag. 46. & seqq.* ubi dicit: il y a plus de vingt années, que
i'en

i'en ay vu à Paris, pour preuve c'est, qu'il s'en est trouué une assez bonne quantité dans la boutique du feu le S. Claquenelle, Maître Apoticaire, qui tomba entre les mains, du Sr. Poulain son genre, aussi Apoticaire, qui l'a remis en usage, par ordonnances du Sr. Helvetius. Cur autem tot annis ante latuerit in officina Pharmaceutica, quàm in usum traducta fuerit, sine dubio in causâ fuit, quòd vires ejus & utendi modus adhuc fuerint incognita, quæ Grenerii relationi & communicationi debet Helvetius.

III.

Quod historiam ejus naturalem & in specie LOCUM NATALEM attinet, certum primò est Radicem hanc ex Americâ ad Nos adferri. In quamam verò hujus parte proveniat, non ita planum est. Grenerius supra citatus in *Notis ad methodum medendi* ab Helvetio editam, ex Peruvia obtineri censet, æque accorticem febrifugum quem Peruvianum alias à loco natali vocant. Piso econtrâ è Brasilia ad nos transferri adstruit, unde & herba ejus Planta Brasiliensis Marggravio dicitur. His è Modernis adstipulatur Pometus l.c. qui radicem hanc à Batavis & Lusitanis ex eo Brasiliæ tractu, qui Rio de genecyro dicitur, apportari perhibet, quod nomen fluvii est, Americam Meridionalem alluentis. Propterea tamen negari non potest etiam per Hispanos ex Peruvia afferri, cum observante Illustri Leibnizio multa Simplicia Brasiliæ & Peruviæ communia sint, ipsumque Balsamum Peruvianum etiam in Brasilia repariatur.

Planta hujus radicis B. Dn. Hermanno
Præceptor meo ad *urnam* usque *fidelissimo* dicitur repens ipsi-
 que videtur annua. *Pomet* è contra plantas omnium
Specierum (de quibus infra) partim repentes , partim
 erectas esse statuit , ita ut ad altitudinem dimidii pedis
 ascendant , quarum folia parietariæ haud dissimilia , è
 quorum mediò flores albicantes V petalorum erumpunt,
 parvis capitulis insistentes, baccas fusci coloris proferen-
 tes , quæ maturitatis tempore obscure rubent, crassitie
 cerasi sylvestris. Baccæ hæ pulpam albicantem & suc-
 culentam comprehendere dicuntur , in quâ bina grana
 eaque dura & flavescentia , lenticularis figuræ , conti-
 nentur, *vid. citat.* *Pomet.* *Piso* verò aliter plantam
Ipecuanhæ Albæ, aliter *Nigræ* describit, quarum priorem
 in pratis repentem, alteram vero in locis opacis & nemo-
 ribus densioribus plus minus erectam reperiri censet, e-
 jusque figuram addit.

V.

Collectio radicis hujus iis, qui ad metalla damnati
 sunt, committi dicitur, è quibus tamen solertissimus &
 laboriosissimus per integrum annum vix ultra XII libras
 colligere valet, quod ipsum pretium ejus tantoperè au-
 gere solet. Libra enim ejus in Batavia XXX. florenis
 si non tot imperialibus & ultra venire solet; unde nostris
 in Regionibus parca manu, cum primis in pauperibus, præ-
 scribi potest. Quò tempore autem colligi debeat , ex
 communi illa Regula constat, quâ herbæ in flore, radices
 in vigore colligi jubentur. Post collectionem exsiccata
 servari potest in multos annos, cum ob resinositatem non

facile vites deponat antidotales diaphoreticas, licet aliquid de emeticâ perire soleat.

CAPUT II.

DE SPECIEBUS IPECUANHÆ
EJUSQUE SELECTU.

§. I.

BInas Ipecuanhæ Species reperiri, suo jam tempore ostendit Piso, Nigram scil. & Albam; vid. *Hist. ejus Nat. & Med. Brasilia lib. 4. cap. 53. pag. 131.* Gallus verò suprâ citatus Tertiam addit, flavescentem, dum in *Appendice* libri supra allegati inquit: On apporte trois sortes d'Ipecuanha d'Amerique, sçavoir la noire, la blanche & la blonde: quæ postrema verò, nî fallor, proles est herbæ Caapiæ dictæ à Pisone supra cit.

II.

IPECUANHA NIGRA communis est Species è Brasilia ad Nos delata, quam fusè describit Piso, qui primus omnium Specifici hujus antidysenterici mentionem fecit. Radix est digiti ferè longitudinem adæquans, crassitie calami scriptorii, flexuosa, inæqualis & quasi geniculata, plurimis asperisque in superficie circulis aut annulis exasperata, extus fusca, intus grisea, sapore subacri & quodammodò amaro nauseoso, linguam masticata mucilagine quadam quasi investiens, resinosa simul & pinguis, unde quoque durabilitas ejus deducenda, siquidem resinosa diutius asservari possunt, quam Ænovolatilia: Mitescere tamen tempore & acrimoniæ aliquid deponere, inde patet, quod recentior magis acris sit & nauseosa, quàm exsiccata.

III.

ALBA, quæ IPECUANHA BLANCA Lusitanis audit, rarior est & penes Europæos non æque usualis. Adfertur pariter ex Brasilia, & in eo differt à priori, quod radicibus gaudeat albicantibus, ad been album vel rad. dictamni albi proximè accidentibus. Folia autem acetosæ foliorotundo similia sunt, licet alii pulegio eandem assimilent. Discrepat etiam intuitu figuræ & superficiei externæ, siquidem gracilior est priori, nec tot zonulis gaudens, nec adeo amara. De reliquis ratione usus differentiis in cap. seq. fusius dicetur.

IV.

FLAVÆ denique nemo, quod sciam, unquam mentionem fecit, præter unicum Pometum, qui in *appendice* operis sui supra laudati sequentia de illa refert: Flava, *inquit*, ex Peru adfertur per Hispanos, quibus Bexugillo audit, quod in vernacula nostra Becouguille sonat. Crassissimæ ejusdem radices tres præterpropter lineas æquant crassitie. Radices sunt intortæ, annulis quibusdam exasperatæ & flavescentes, per quarum longitudinem nervus seu fibra trajicitur ipsis pallidior, hæcque fibra cortice circumdata est, lineæ crassitie, fragili, si bene exsiccata est, amara, resinosa & in qua virtus medicamentosa potissimum concentrata est. Ex quæ ordinariò venum prostant, vix unus vel alterius lineæ crassitiem habent, nihil tamen obstat, quo minus insimul optimè conducant.

V.

Ex his omnibus palmam ducit flava, quæ supra auri mineras reperitur, in apicibus montium, cum reliquæ binæ Species in eorum radicibus, vallibus, pratis aliisque

locis succrescant, id quod in causa est, quod hæc & rarissima omnium & carissima sit, eoque magis, quod & virtutibus reliquas antecellat. Nigram enim nimis vehementem, albam vero exiguae virtutis esse testatur *Leibnitzius in Epist. supra alleg. §. 15.* Europæi nigrae fere sunt contenti, quæ cum adulterari soleat (ut exoticis ferè omnibus commune est) & sæpissime minus recte depurata ad Nos transmitti, hinc selectus quidam instituentus. Eligatur ergo recens, carnosa, compacta, nec fragilis, substantia gaudens resinosa, & quæ per medium sui tractum fibræ aut nervum transmittat, saporis acris amari & nauseosi. Maximoperè autem cavendum, ne fibræ propriis & appendicibus permixta sit, quas ii, qui eandem nobis afferunt, illic relinquunt, ut pondus augeatur & pretium, quandoque etiam innocentes, cum signum bonitatis raro ipsis notum sit. Ex enim tantum radicis partes ad Medicinam antidyntericam aptæ sunt, quæ annulis & circulis circumdatæ sunt: Glabræ contra appendices, si non omni, antidynterica tamen virtute prorsus destitutæ sunt. Præstat quoque ea, quæ cortice densiori & crassiori prædita est, hæc enim potentior, resinæ intuitu, quæ in cortice magis concentrata est.

CAPUT III.

DE QUALITATIBUS, USU & DOSI IPECUANHÆ.

§. I.

Licet Specifica medicamenti hujus vis à textura ejus formali potissimum dependeat, unde tota sui substantia agit, juvabit tamen in particulas eandem constituen-

res indeque profluentes qualitates ulterius inquirere, quæ uti partim fixæ, partim volatiles sunt, ita harum intuitu, radix hæc calida est & acris: Illarum verò ratione adstringens: Utrisque amarities debetur saporque nauseosus, unde facultas ejus tam emetica, quàm alexipharmica deducenda, quarum posterior in Ipecuanha alba, prior in reliquis duabus Speciebus magis observatur. Interim hoc quoque prætereundum non est, quod in quibusdam subjectis non semper *ἀνω*, sed quandoque *κάτω* humores p.n. educat, non aliter ac in emeticis vulgaribus quandoque fieri solet. Præter hæc nominatas qualitates PISO illi tribuit quoque facultatem mentem serenandi ac infarctus resolvendi.

II.

Non sine causa igitur radix hæc tanto in pretio habetur à Brasiliensibus, qui ut virtutes ejus Nobis primi revelarunt, ita eandem religiosè reservare dicuntur, quum **Pisone** teste præstantius remedium adversus plurimos morbos in his terris non reperiatur. Quam maximè vero in quibusvis alvi fluxibus, Dysentericis imprimis compescendis, se admirandam præbet, cum non materiam solum morificam, utut tenacissimam à parte affecta revellat, (sit verbo venia) eamque per superiora ut plurimum expellat, sed & adstringendo viscerum tonum restituat. Hoc enim præ omnibus adstringentibus habet peculiare, quod antequam fluxum sistat, vomitum prius moveat, ut Rhabarbarum prius laxare solet, quam adstringere. Quid quod & virtute alexiteria miasma dysentericum per poros cutis exterminet, adeoque triplici ratione ad morbum hunc subigendum conducat, vomitum prius, abhinc sudorem & tertio adstrictionem cau-

sando. Quantum enim adstringentia alexipharmacâ vi simul prædita ad curandam Dysenteriam faciant, tormentillæ radix docere potest, qua sola pauperculi sæpe haud infelicitè utuntur. Cum ergo omnia, quæ in quamplurimis antidysentericis sigillatim reperiuntur, in unica hacce radice, tanquam in exquisitissimo naturæ munere (ut Pisoni audit) concentrata quasi sint, hinc & in Dysenteris inveteratis, etiam illis, in quibus intestinum rectum à materia adhærente est exulceratum, convenire dicitur à Pometo. Laudatur quoque in Tenesmo, si à materia cruda & plus minus acida è ventriculo & mesenterio ad intestina derivata & hinc revellenda, oritur; & cum in castris Dysenteria quam maximè ex similibus cruditatibus malaque Diætâ propullule, hinc mirari non subit, copias Gallicas curâ Marchionis de Louvois, Ministri Regis Primarii, Specifico hocce in ultimo bello servatas fuisse.

III.

Notabile vero & in Praxi maximè proficuum est, quod eadem Radix in febribus intermittentibus insigniter conveniat, ubi opus est purgatione, & quidem citra recidivæ metum, quam cortici Peruviano vulgo tribunt, uti ex propria experientia comprobat B. Hermannus, qui in tali casu Ipecuanham tum in substantia, tum in infuso feliciter semper præscripsit. In substantia quidem hac ratione:

Rec. Rad. hypoac. pulv. ℥ij. vel ʒj. D
ex jusculo vel ∇ card. bened. vel vino absynth.

Pro infusione utitur vino absynth. in dupla dosi. Nec

Nec dubito in aliis pariter febribus ardentibus, cum primis malignis, Diarrhoeam in specie conjunctam habentibus, egregie convenire, cum materiam peccantem per vomitum expellendo, non Diarrhoeam modo sistere, sed & cardialgiam aliaque symptomata alleviare valeat.

IV.

Tandem DOSIN quod concernit, in ea quodammodò discrepant Authores. **Guilielmus Piso** in pulverem redactæ ℥i. pro dosi exhibet: In infuso vero ℥ij. plus minusve. **Pomet** paulò concisiorem dosin commendat, ita ut in substantia ordinariò ℥β. & ad summum ℥i. in jusculo aut alio quovis vehiculo: In infuso verò duplum concedat. **Hermannus** è contra adhuc minori quantitate contentus pro dysentericis in pp. rarò ultra ℥j. propinat, nisi in robustioribus, ubi dosin ad ℥β. augeri jubet: In infuso vero pariter ℥ij. exhibebat: In febribus utrobique duplicando dosin. Hæc vero omnia in Ipecuanha nigra flavaque solùm observanda, in alba enim non æque peccare poteris, utpote quæ adeò leniter operatur, ut gravidis etiam & infantibus eam propinare soleant, reliquas non æque. Quodsi verò & priores illis dare velis, lactantibus & nondum trimulis detur octava pars dosis, qui vero trimuli, decimum tamen ætatis annum nondum excefferunt, iis quarta pars satis erit: X supergressis sed nondum quindecennibus tertia: Ab anno XV. ad XX. dimidia. Quæ m. delicatis senibus & gravidis sufficiet. Robustioribus à XX. ad LX. annum dosis solita, *vid. Helvetius pag. 17.*

CAP. IV.

DE FORMA MODOQUE EXHIBENDI.

§. I.

CÆterum ut in omnibus medicamentis drasticis & efficacioribus cautela opus est & circumspeditione, ita, non obstantibus iis, quæ hæctenus de miris remedii hujus utilitatibus & commodis dicta sunt, nemini suaderem absque insigni præmeditatione & consilio prudentis Medici eo temerè abuti, cum, ut reliquis omnibus vomitoriis commune, violento motu agat; Hinc antea citatus Helvetius methodum utendi novo hoc remedio contra diarrhœas, dejectiones sanguinolentas & dysenteriam Lingua Gallica typis nuper expressit, suppresso tamen medicamenti nomine, quod nemini nisi unicæ Regiæ Majestati se aperuisse scribit; Quæ variis tamen vanisque circumstantiis & ambagibus est larvata, unde methodum hanc minus naturalem, sed occultandi medicamenti causâ editam esse, sincero animo & justo dolore manifestavit Dn. Grenerius *in animadversionibus suis brevibus in methodum Helvetianam*, ubi quoque primam medicamenti hujus productionem sibi vindicat.

II.

Primò ergo omnium ponderandum, an è re tum ægri, tum ipsius Medici sit exhibere hoc remedium? Dantur enim casus, ubi meritò ab eo abstinere decet, ne remedio novitate forte jamdum suspecto enecasse videamur eum, quem fors aut natura occiderat. Fieri hoc posset in iis, quibus nimia mali diuturnitate delirium, singul-

singultus, vomitus cum tensione dolorifica in infimo ventre dejectionibusque feci vini aut loturæ carniū similibus, cadaverosi odoris, oborta sunt, quæ cum certa indicia sint gangrænæ, intestina corripientis, hinc frustra illos salutem speraturos censet citatus Helvetius, qui & Phthisicos atrophia laborantes, Hydropicos eosque quibus insignis jam corruptio in infimo ventre accidit, à numero ægrorum hac arte sanabilium excipit, quoniam fluxus ventris his superveniens caloris nativi extinctionem & propinquam mortem indicare, in praxi observatur. Itaque ab hoc remedio dilationem aliquam, morbicurationem verò neutiquam sperare poterunt.

III.

Rebus autem & visceribus adhuc integris felicissimè & cum certa reconvalescentiæ spe adhiberi poterit, & quidem in substantia, quâ instar aliorum specificorum, China Chinæ, v.g. plus agit, quàm per varias & quandoque justò curiosiores præparaciones; licet nullus dubitem è cortice (in quo ejus virtus ferè residet) resinam aliquam, tincturam aliaque obtineri posse. Quam primum ergò ad dysentericum vocatus fuerit Medicus, statim præscribat sequens:

Rec. Rad. Ipecuanh. præpar. ʒj.

D. in ∇ plantaginis aut tormentilla.

Quod si à prima dosi non sistatur fluxus, alterâ die manè secunda repetatur, & si opus, tertia quoque perendie; hac omnes curantur ægri, si alioquin malum adhuc sanabile existat. Post absolutos vomitus, quos ciet, aut stomachicum aliquod, juxta methodum Helvetii & Pometi detur, quò stomachi & intestinorum tonus re-

struatur, aut ductu Sydenhamii paregoricum, quod propinatō mane vomitorio, tempore vespertino dari jubet. Helvetius extollit Elixir suum stomachicum ē santalo rubro, terra catechu & aromaticis paratum, cujus tamen loco simplicissimum panem tostū cum vino Hispanico, post pastum assumptum, laudat Grenerius. Pomet sequentem potiunculam habet

Rec. ▽ scab.

card. bened. ana ℥i℥.

conf. de hyacinth. ℥j.

⊙. absinth.

C. C. præp.

corall. rubr præp. ana ℥j.

Syr. fl. tunic. vel absinth. ℥j. M.

Quandoque huic aut syr. papav. alb. aut laudanum opiarum felici cum successu addit. Quod autem vomitum, qui ex medicamento imminet, evitari & supprimi velit Helvetius, falsò (observante Grenerio) præcipitur, cū vomitus effectus sit remedii naturalis, ita quidem ut mali ominis sit, si post assumptionem medicamenti hujus nec motus, nec anxietas, nec vomitus, nec sedes, nec nausea sequantur, cum æger tunc ut plurimum pereat, quia Natura ejus succumbit, ut non possit agere in medicamenta, nec medicamenta in ipsam, id quod & in aliis vomitoriis ætis observavit Hermannus in MSS.

IV.

Sin vero grave fuerit ægris in pulvere & substantia radicem hanc assumere, ut palato eorum aliquid demus, sequenti modò infundi poterit:

Rec.

Rec. Rad. Ipecuanhæ ʒij. infunde vin. rubr. ſtent in loco calido per noct. mane col. exhibe.

Dum verò plane reſpuunt & ore haurire prorsus nequeant, in forma clyſteris quoque applicari poterit, ut in Gallia fieri ſolet, hac ratione,

Rec. Rad. Ipecuanhæ ʒʒ.

vel ʒiiij.

tere in pulv. M. c. Decocto & injice tepide.

CAP. V.

DE SUCCEDANEIS IPECUANHÆ

& DIÆTA ſub curâ obſervanda.

§. I.

Quid tandem, ſi, vel ob defectum, vel nimium Ipecuanhæ pretium, hæc medendi methodus in cura Dyſenterię adhiberi nequeat? Annon è domesticis noſtrisque in terris crescentibus ſimplicibus illi quædam ſurrogari poterunt? Sane ſi vim ejus ſpecificam conſideres, vix ac ne vix quidem de ſimili ſuccedaneo cogitare licet. Neque triplex illa facultas, emetica ſcil. adſtringens & bezoardica, in uno eodemque ſimplici facile occurret. Nihil tamen impedit, quò minus in effectu haud abſimile compositum illi ſubſtituamus, quod facili operâ obtinebis, ſi radici tormentillæ, quæ & adſtringit & bezoardica eſt, vomitorium aliquod maritemus, ſequenti modo:

Rec. Rad. torment. ʒʒ.

Tartar. emet. gr. ij.

ther. cœleſt. gr. ij. M. D.

pro doſi.

Cum enim potissimus Ipecuanhæ effectus sit, saburram morbosam per vomitum excludere, nullus dubito, quin aliud emeticum similem edat effectum, dummodò tempore legitimò adhibeatur.

§. II.

Jam quæstio suboritur, an in Dysenteria quoque convenient emetica vulgaria ? Si Scriptores Practicos eorumque Systemata inspicias, videtur, quod non : Pauci enim vomitoriorum in hoc morbo curando mentionem faciunt. Verùm si ullibi, sane hîc locum invenire existimo querelam Celeberr. Dn. Ludovici, qui plures ex intermissione emeticorum interire credit, quam ex illorum usu. Vomitum autem in Diarrhoeis & Dysenteriiis summoperè conducere, ex *Aphor. 15. sect. 5.* Hippocratis apparet, in quo non tantùm vomitum spontè supervenientem, sed & arte concitatum comprehendî, Guil. Pîso non sine causa statuit. Imo ipsa Experientia hujus subscribit judicio, cùm Felicissimus Sydenham, Anglorum quondam Machaon, in fluxibus alvi symptomaticis, sub cursu febrium supervenientibus, vomitoria cum euphoria insigni dederit & Excell. Dn. Præses omnibus aliis irritis solo Tartari emetici usu Dysentericum restituerit, ut ex obs. *Ann. 2. Dec. 2. Miscell. Acad. Germ. curios.* inserta apparet. Quid quod & Ratio id suadeat, quùm saburra illa dysenterica in confiniis ventriculi si non generetur, ad minimum segregetur, unde nausea eaq; salutaris, cùm teste sæpius allegato Pometo, in *Appendice operis sui*, nulli unquam, quibus post assumptionem medicamenti nausea molesta non fuit, recon-

reconvaluerint. Id quod fidem ipsi facit, ventriculū non tantū hoc in morbo à saburrā peregrinā obrutum esse, sed & M. S. per glandulas, eundem non minus, quam totum tractum, qui primarum viarum nomine venit, investientes, serositates quamplurimas deponere, quæ salia heterogenea & inæqualia, morbum huncce producentia eò devehunt; hæc vero si in eo non deturbentur, sed in M. S. restitent, alios morbos quandoque graviores inducere valent.

III.

Quod si autem nonnulla sint, quæ vomitum aut dissuadeant, aut planè prohibeant, methodo hætenus receptæ insistere & in Dysenteria benigna Rhabarbarum, tostum prius, abhinc appropriata simul & anodyna: In Maligna vero Bezoardica statim & more Recentioribus recepto opiata propinare poterimus, quo miasma illud Dysentericum, quod per vomitum excludi non poterat, aliorum reducat, & antequam ad intestina præcipitentur, per poros cutis exterminetur. Hunc in finem Illustris Wedelius, (cujus benevolæ, qua Jenæ fruebar, manu ductionis in omne ævum piè recordari licebit) Tincturam bezoard. cum Ess. anodyna statim exhibet, qua sola innumeros dysentericos se conservasse testatur in sua *Opiologia*. Excell. Dn. Præses olim præsentaneam expertus est theriacam Ludovici aliquantulum camphorata ac opiatis junctam.

V.

Quamcunque tandem methodum quis sibi eligat in hocce morbo domando, nunquam tamen non Diætā simul convenientem & strictam imperet necesse est.

Tenuis itaque & parca, ut in omnibus acutis, ita hic quoque locum habet; corpora siquidem impura quo magis nutriveris, eo magis læseris *aph. 10. Sect. 2.* Nocent summoperè acida, salita, acria. Profunt succulenta & mucilaginosæ. In potu sumatur Ptisana aut Decoct. Thee aut simile; fugiatur frigidus cane pejus ac angue. Nec frequenter nimis bibendum, ne stomachi tonus relaxetur. Sufficit gargarismis os eluere, si quando calor & sitis urgeat, vel alio modo ipsam fallere; fugiatur aer fracidus & frigidus. Animus componatur ad tranquillitatem, ne affectibus vehementioribus rapiatur in diversum, qui sanguinem jamdum in mixtura sua turbatum magis commovere Archæumque in furorem agere possent.

T A N T V M.

COROLLARIA.

I.

Narcotica (in specie Opium) sunt aphrodisiaca.

II.

Et per consuetudinem vim narcoticam amittunt.

III.

Juncta sibi purgantia felicius agunt, quam sigillatim exhibita.

IV.

Terrea adstringunt album & solvunt retentam.

V.

Phthisin halitus spiritus appropriati, inspirando ad pulmones delato, curabilem esse, ratio dictitat.

VI.

Optima infantum (præter Clysteres) remedia sunt laxantia & absorbentia.

VII.

Hydropem, imo ipsum Empyema pectoris, per Diuretica sanari testatur experientia.

VIII.

Dubito an vulnera cordis sine ulla exceptione sint lethalia.

IX.

Tendines musculorum, imo ipsi nervi lasi & rescissi restituantur, salvo motu partis affectæ.

X.

Epilepsia Idiopathica solo cauterio actuali capiti rite applicato quandoque tollitur.

XI.

Signa Virginitatis usquedum ignota.

Præ-

Præ-Nobili & Clarissimo DN.

RESPONDENTI

S. D.

PRÆSES.

COelum non animum mutare, qui (ut in proverbio est) trans mare currunt, Tuo POLITISSIME DN. KNEVSELI, exemplò mihi constat. Tantum enim abest TE pristinum (quò Beatisimum DN. Parentem examussimimitaris) animi candorem in exteris immutasse, ut potius inde Redux majora sinceritatis infucata, sedulitatis morumq; elegantia documenta Nobis dederis. Sinceritatem quidem eò probas, quòd, ut stipulatus eras, relictis aliorum pulpitis, in hanc Academià Studio Tuo Medico, quod ante sexennium & quòd excurrit, sub manu ductione meà cæperas, gloriosè colophonem addere malueris. Sedulitatem Tuam Studiorumq; fervorem in Belgiò nunquam non deprecantur HERMANNI, BIDLOVII, VOLDERI, SENGVERDII, DECKERI, RVISCHII, CYPRIANI: in Saxonià VVEDELII, SLEVOGTI, HAMBERGERI. Sedatam vitæ morumque elegantiam depereunt omnes, quotquot amicitia Tuà & consuetudine unquam gavisi sunt, aut etiamnum familiariter utuntur, quibuscum, si bene mihi conscius sum, ne ullà quidem vice heic in gratiam rediisti. Hinc quos ob studia Tua laudatissima forte invidos habere poteras, inter spissa propediem gratulantium vota Applausores observabis omnes, si quando LVDOVICIANA Nostra dudum promeritos TIBI Honores Doctores conferet, de quibus aequè ac præsenti Specimine in antecessum ex animò TIBI gratulor, fausta que quævis apprecor. Vale. Dabam è Mus. d. 27. Febr. A. 1698.

F I N I S.